



BIBLIO
THECA
INCENDI

10

Ver

21

22













12423/A





BI

Types
Impr

92530
THOMÆ BARTHOLINI
DE
BIBLIOTHECÆ
INCENDIO
Dissertatio
Ad FILIOS.



HAFNIÆ,
Typis MATTHIÆ GODICCHENII,
Sumptibus PETRI HAUBOLD, Acad. Bibl.
ANNO cl^o l^o c LXX.





TH. BARTHOLINUS.

Ad Filios

CASPAR. BARTHOLINUM,
CHRISTOPHORUM BAR-
THOLINUM,
THOMAM BARTHOLINUM.

Videtis quā constantia
flamas meliorem
Bibliothecæ partem
devastantes nuper excepe-
rim, optimum existimans
ea pati quæ emendare non
potui, & Deum, quo au-
A 2 tho-

tore cuncta proveniunt,
 sine murmuratione comi-
 tari. Vobis, filii, idem so-
 latium erit, qui in damni
 ejusdem consortium veni-
 stis. Præcepta quidem
 vobis benè agendi occasio
 videtur opusculis quibus-
 dam meis in cinerem con-
 versis, quæ vobis com-
 mendaveram vestro studio
 perficienda & ad lucem
 publicam proferenda si me
 ante vota mors præoccu-
 passet. Interea tamen Vo-
 bis

bis ad meliorem frugem
 surgentibus campus nun-
 quam deerit in quo vos
 cum gloria exerceatis.
 Præclara benè de publico
 merendi fomenta virtus
 propria & ingenium sug-
 geret, quod eo fervore per-
 ficere vobis statutum gau-
 deo, quo hætenus Deo for-
 tunante cœpistis. Hinc sa-
 tis nobis solatii supererit
 contra quoscunq; fortunæ
 insultus, quos eo animo fe-
 remus quasi supra Lunam
 habi-

habitaremus, h. e. semper
sereno. Valete & fratri-
bus natu minoribus Johan-
ni & Alberto diligentiae ve-
strae exemplo feliciter por-
rò praeite. Ex Tusculano
meo Hagested Calend.
Jul. c1o 1o c LXX.

Тя.



TH. BARTHOLINI

De

Incendio Bibliothecæ.

NOcuit sic esse pium.
 Nam dum totum me
 pietas in defunctum præ-
 ceptorem, beatum Mo-
 THIIUM occuparet, triste nun-
 tium interpellat, incendio con-
 flagrasse ædes meas Hagesteda-
 nas, unaq; cum suppellectile re-
 liqua Bibliothecam ex selectio-
 ribus Medicis & Philologis col-
 lectam, quæ ad usum quotidia-
 num solitudinis mecum in ocio

A 4

coha-

cohabitaverat. Privatus præceptore & libris, ex utriusque iacturâ de fortuna sententiam cœpi ferre, quam animi infracti constantia divellit. Non enim me movit vel tantillum insperatus casus, qui tentavit animum, ne utiqvam oppressit. Fateor dolendi plures fuisse causas, turbata quiete Tusculani mei incendio, cujus loci tanta amœnitas ut major alibi in Borea esse vix queat. Mari vicino hinc inde alluitur, aëris bonitate in sublimi perflatus, sylvis tribus innumbratus, agris fertilis, campis florens, terra ubique innoxia, quæ, nec serpentes ferre, nec glires potest. Amplæ colonorum villæ, ædes splendidæ, concessæ immu-

inimunitates, cælum serenum,
 & cætera ex voto fluentia, amo-
 rem prædii auxerant: Cæterum
 communi fato mœrorem justum
 temperavi. Phaëthontis enim
 seculum imminere Mystæ qui-
 dam prodiderunt, cujus oblivio-
 nem nollem mihi exprobrari.
 Scilicet mundum hunc, quem
 habitamus, ad extremū omnem
 ignescere, non unus credidit.
 Hoc futurum suos putasse scribit
 Tullius lib. 2. de Nat. Deorum.
 Idem Chrysippus olim divinavit.
 Manifestiora ex sacris Dei nostri
 monumentis indicia elucet,
 quæ mundum igne consumen-
 dum persvadent. Hinc Naso
 lib. 1. Met.

Esse quoq; in fatis reminisci-
tur, affore tempus,
Qvo mare qvo tellus, correpta-
que regia cœli
Ardeat, & mundi moles opero-
fa laboret.

Universi igitur excidium, si à
meis ædibus ordiretur principia,
parum referre existimavi, siqui-
dem omnes posthac similes rui-
næ involvent. Temperare ta-
men mihi non potui quin in re-
centi vulnere mecum non nihil
musitare. Vulcani fabulam
veterem eludere cœpi & pe-
nes me pro fabula habere.
Minervæ ille amicus ferebatur
olim, jam inimicissimus, cum
uno velut fulmine supellectilem
librariam & tot annorum lucu-
bratio-

brationes prostraverit, neuti-
 quam æquo animo ferens, quod à
 Beato Augustino l. 4. de Civ. Dei.
 cap. 10. cooperarius Minervæ ap-
 pelletur. Quia, inquit Ludovi-
 cus Vives, curat ille cum Miner-
 va fulmen Jovis. Imò claudus
 ille furcifer Æoli utrem implevit.
 Ad mentem Augustini idem Lu-
 dovicus putat, ideò dici Minervæ
 cooperarium, quod hæc sit Dea
 artium, etiam earum in quibus
 usus est manuum, quas Græci
χειρουργικὰς vocant. Ille verò Deus
 instrumentorum, sine quibus hæ
 artes non exercentur. Addit,
 quod Vulcanus quoq; ipse arti-
 bus præesse existimatus sit. Eu-
 sebius enim inquit; ex artibus
 alias Minervæ, ut bellicas, alias
 Vul-

Vulcano, ut omnes quæ per ignem fiunt, assignari solitas. Quidquid pro Vulcano laboret Vives, ad omnium seculorum memoriam proclamabo: esse Minervæ destructorem. Expertus jam loquor, & mecum testantur si per violentiam & tyrannidem destructoris Vulcani superessent, instrumenta Anatomica & Chirurgica, libri Anatomici & Chirurgici, infinita arcanæ Medica & Chemica, Antiquarii plusculi & Philosophi, & quod palmarium, opera à me ductu & auspiciis Minervæ confecta, propediem lucem visura, nisi à nimia & ardente Vulcani luce essent suffocata & extincta. Deplorarunt & alii Destructoris
hujus

hujus sævitiem, ne exemplis careamus, aut pro solo exemplo me posterius adducant, si qui tristis mei casus meminisse dignaturi sint. Nullum regnum, nulla aula, cui non paravit ruinam. Libros Sibyllinos eadem fortuna mansit. Cum enim Tarquinius Superbus pretium novem sibyllinorum librorum à muliere quadā expetitum non daret, igne sex exusti feruntur, eodem pretio pro reliquis tribus soluto. Et ut huic argumento non nihil immoremur, nulla gens, nullum seculum fuit, quo non optimi quique libri à destructore Vulcano passi detrimentum. Si gentium Annales evolvamus, librorum excidium vel odio personarum vel

mate-

materiæ culpa procuratum. Aliis per infortunii casum succesfit. Odio Hieremiæ Prophetæ Joachimus Judæorum Rex volumen per Baruch scribam missum in conspectu Principum suorum igne cremavit, sicut narrat Josephus lib. 10. Antiqu. Jud. cap. 8. Duodecies mille volumina Hebraica Cremonæ A. C. 1553. exusta esse, pariterq; per universam Italiam sævitum ex Windetio de Vit. Funct. Stat. pag. 21. repetit Lomejerus de Bibl. cap. 3. In Cnido Insula una ex Cycladibus Bibliotheca fuit, quam Hippocrates ex invidia, quod Cnidii suæ medicinæ sectam contrariam profiterentur, concremavit. Invidiâ Plato usq; adeo quoq;

qvoq; laborasse dicitur, ut Democriti commentaria cremari voluerit, nisi ab Amyda & Clinia Viris Pythagoricis prohibitus fuisset, asserentibus eos non posse extingui, cum apud multos passim exempla eorum librorum servarentur. Similia de Aristotele narrantur, qui veterum Philosophorum monumenta Vulcano sacra voluit, ut securius de illis triumpharet. Bibliotheca Constantinopolitana à Theodosio Juniore instructa, æmula Ptolomæi, sub Zenone Imp. A. C. 473. conflagravit, ab Iconomachis duce Leone Isauro Imperatore excitato incendio, Eadem ante Basilici Tyranni tempore à concitata plebe in invidiam

Basi-

Basilici flammis periit, interq;
alios libros fuit Draconis intesti-
num longum pedes 20, cui Ho-
meri Ilias & Odysea aureis litte-
ris erant inscripta. Ereptum
verò fuisse ex hoc incendio Ba-
silicano inde colligit Claudius
Clemens in Bibl. Instr. quod cum
Leo Isaurus eandem Bibliothe-
cam utcunq; ad tricena tria mil-
lia volumina restitutam, vesano
furore percitus in sacras imagi-
nes, cremaret, illud intestinum
adhuc ibi fuisse Constantinus,
Cedrenus, Zonaras, Glycas te-
stentur. Nisi forsan ad prioris
intestini imitationem, quod pri-
ori incendio perierat, religione
qvadam novum fuerit confe-
ctum. Luber prius incendium à
Leone

Leone III. Isauro excitatum, egregiè à Constantino Manasse in Annalibus descriptum recitare ex versione Lewenclavii : Non procul à divinæ sapientiæ fano splendida domus à priscis Imperatoribus erat exstructa, quam nuncupare licuisset amœnum hortum, arboribus libros ferentibus plenum, adeoq; lucum pulcherrimis omnigenæ doctrinæ sapientiæq; plantis consitum. Nam erat in ea congestus librorum thesaurus, quorum numerus tricena & tria milia complectebatur. Talis hortus, tantusq; lucus divini cujusdam hominis curæ fideiq; commendatus erat, qui doctrina præstabat, & supra cœteros omnes radiis

B

scien-

scientiæ collucebat: non inepte dixeris, alium qvendam Adamum fuisse, divinum curatorem arborum, de pulchris Edenis arboribus delicias capientem, ejusq; plantarum non marcescentium agricolam. Vivebant cum hoc & alii tanqvam secundarum partium duces ab illo Imperatore primi: luculenta reapse sidera, noctisq; collustratores. Hi tot numero, quot circuli zodiaci signa sunt, mercede literarum & doctrinæ cupidos instruebant & caliginis velum tam in putri præstigiisq; referta Græcorum, qvàm religiosissima nostra disciplina suis auditoribus adimebant: uno illo, de qvo diximus, inter omnes Solis instar lucente.

Tan-

Tanta vero in opinione virtutis erant, ut ne ipsi quidem Imperatores novi quiddam & inusitati vel moliendum, vel agendum sibi putarent, illis in consilium non adhibitis. Tales ergo viros, autoritate singulari, & innocentia vitæ conspicuos, variorumq; donorum ubere copia præstabiles, Imperator intra sua retia comprehendere, suiq; furoris impii participes efficere multum sitiebat. Quum autem cunctis molitionibus adhibitis elidetur, (nec enim vel metu, vel minis in sententiam suam pertrahere poterat: quumque auro etiam uteretur, cæteroquin in expugnabili socio, tamen aquilam se persequi, vel sidera jactu

contingere velle deprehendebat) tandem re desperata, (quoniam hæc obsecro exponam?) consilium sævum, absurdum, impium capit, quod ne quidem immanis Scythæ vel Massagethes cepisset. Materiam siccam & concremabilem ex aridis fascibus coacervat, eaque succensa cunctos exurit, homines inquam illos (cheu) religiosos cum ipsis libris. Proh infestum virtuti animum, proh mentem belluinam. Nimirum ex ungvibus sævus ille Leo jam agnitus est. Pulcherrima quæque de disciplinis omnibus istuc adservabantur, & inter alia volumen exstabat admirabile, confectum de draconis intestino, cui erant inscripti libri

libri Homerici, tam Ilias tota, quam Ulyſſea. Tantum Conſtantine. Alexander Pſeudomantes libros Epicuri exuſſit ficulneis lignis, ſignificans Philoſophum eſſe nullius precii. De Tiberio Tacitus l. 4. Ann. quod Cremuntium Cordum, Virum Sapientem & Doctum ad mortem compulerit, ejusq; libros per Ædiles incendi juſſerit. Apud Senecam lib. Suas. 7. deliberat Cicero, an ſcripta ſua comburat, promittente Antonio incolumitatem ſi feciſſet. Nempe odio Tullii flagrans Antonius libros ejus abolere voluit, ut fama ſublata majus de eo ſupplicium ſumeret. At eleganter inter alia P. Aſprenatis ita perora-

vit: Permite Te populo Romano contra Antonium: si scripta combufferis, Antonius paucos annos tibi promittit, at si non combufferis, populus Romanus omnes. Zelo Bibliothecis extitioso vel potius odio possessorum præclara priori seculo Manuscripta hic & alibi perierunt, quorum frustra naufraga hinc inde ad cucullos ablegata invenimus posteri. Idem ab Anabaptistis Monasteriensibus factitatum Sleidanus & Wigandus in Commentariis suis Historicis prodiderunt. Inter reliquos enim quidam Joh. Matthæus proclamans sibi coelitus à Patre revelatum esse, ut præter Biblia sacra, nulli libri in urbe relinquerentur, aliq;

aliiq; omnes in aream prope
 summum templum deferrentur
 Vulcano tradendi, tantum effe-
 cit, ut è vestigio tantus librorum
 cumulus succenderetur, ut pre-
 tio 20000. aureorum æstimaretur.
 De Bibliotheca illustri Julia-
 ni Apostatæ in Trajani templo
 erecta, annotatum memini à
 Joviniano uxoris suasu incen-
 sam, faces subjicientibus concu-
 binis. Majorem facti rationem
 habuerunt, qvi non autorum in-
 vidia, sed odio argumenti vel
 impii vel Principum arcanis ad-
 versi libros rogo adjudicarunt.
 Prothagoræ libri ab Atheniensibus
 in foro cremati, qvia animæ
 immortalitatem negavit. Pom-
 ponatii idem argumentum,

idemq; exitus vitæ & librorum
Atheismum docentium. Sena-
tus Romanus Libros Numæ
Græcos de religione, quam
aliqua ex parte solvere videban-
tur, per Q. Petilium Prætorem
urbanum in concione populi
facto igne concremavit. Insi-
penter id quidem, iudice Lactan-
tio l. 1. de Fals. Rel. cap. 22. Quid
enim profuit libros esse combu-
stos? cum hoc ipsum, quod sunt
ideò combusti, quia religionibus
derogabant memoriæ sit tradi-
tum? Nemo tum in Senatu non
stultissimus. Potuerunt enim &
libri aboleri, & res tamen in me-
moriā non exire. Odio reli-
gionis veræ Antiochus Epipha-
nes plurimos codices cremavit.

Vide

Vide Macchabæorum Annales. Achaz impius libros Legis combussit, ne ex iis idololatriæ argueretur. Herodes pariter omnes libros genealogicos Solymis incendio consumpsit, ne generis sui ignobilitas patesceret, & tempore persecutionis Diocletiani & Oratoria destructa, & scripturæ igne exustæ sunt. Quasi unius Codicis jactura Dei æterni cultum insitum & aliis monumentis proditum subruere, Tyranni in potestate esset. Non carent pietate Christiani Zelotes qui hæreticorum & blasphemorum librorum incendia urgent, modo in hæreticis non errent, illosve atro carbone notent quibus pro fidei & confessionis

fundamento est Christus *Θεάνθρωπος*. Istam enim licentiam sibi Rerumpublicarum Domini sumunt, ut contra libros, qui crimen aliquod læsæ Majestatis continent, supplicia ignis fumant. Major Numinis reverentia esse debet, quod honore & cultu afficiendum, non blasphemo calamo proscindendum. Contra Arium ejusq; libros extat edictum Constantini Imperatoris Christianissimi ad Episcopos & populum, quod hic legi meretur ut lux huic argumento accedat: Cum Arius scriptorum & impiorum hominum consuetudinem imitetur, eandem cum illis ignominia & turpitudinis notam merito subire debet. Quemadmodum

dum Porphyrius capitalis hostis pietatis, qui nefarios libros contra pietatem Christianam nuper edebat, mercedem dignam laboribus recepit, & ejusmodi quidem, ut apud posteriora secula non ipse solum maximis probris vexatus fuerit, & turpissima labe infamiæ aspersus: verum etiam impia ejus scripta deleta, & penitus extincta; sic etiam visum est Arium & ejus sectatores Porphyrianos nuncupare, ut quorum secuti sunt mores, eorum nomen habeant; quin etiam si quod opus ab Ario scriptum reperiatur; illud cremandum esse. Illud etiam mandamus, ut si quis librum ab Ario scriptum occultasse deprehensus sit,

fit, & eum non statim in medium adductum igne combusserit, morte mulctetur. His illisq; in pœnam Bibliotheca Vulcano cessit. Ego hac parte beatior quod nulla impietate in Deum aut in Principes offensa, Bibliothecæ rogum viderim. Nihil enim continebar, quod rogo dignum esset; nulla ex calamo meo linea fluxit, quæ vel Deum læderet, vel Regem offenderet, vel orbem non erudiret aut non oblectaret. Quicquid finistri ex adverso evenit, pœna librorum prohibitorum non fuit, sed iusta laborum quies. Deo sit laus, quod istud teramus seculum quo nulla ingenii supplicia, nec bonis libris martyria parantur. Unde
con-

confidentia major & spes melior
 me animat, ne Labieni malo
 exemplo, qvi superstes esse no-
 luit scriptis ejus combustis, in
 monumenta nuper in Templo
 B. Virginis funeri meo parata
 me ferri vivus patiar, atq; inclu-
 di, veritus scilicet cum illo, ne
 ignis qvi subjectus est nomini
 librisq; corpori negetur. Neq;
 lectores amici sibi metuent, si
 librorum meorum lectioni horas
 non paucas hactenus impende-
 runt. Illo quidem tempore,
 qvo libri Labieni ex Scto ure-
 bantur, Cassii severi hominis La-
 bieno junctissimi pulchra sen-
 tentia fuit, Seneca docente:
 Nunc me vivum uri oportet,
 inquit, qvi illum edidici. De
 editis

editis laborandum non est, reli-
qvi nemini oneri erunt, nec sibi,
nec auctori. Fero istam calamita-
tarem fortius, quia in familia
nostra sævire Vulcano jam pri-
dem ipsi pro consuetudine est.
Avo meo memoriæ beatæ D.
THOMÆ FINCKIO, incendio con-
sumti libri Medici & Mathema-
tici præclarissimi, quorum jactu-
ram nunquam sine lacrymis me-
minit Senex Venerandus, nullis
alioquin animi motionibus con-
cussus. Præter vel culpam no-
stram vel odium aliorum fortui-
tos casus, sed non sine Dei vo-
luntate vel consensu, agnosci-
mus, sicut de libris sacris ex Iri-
neo l. 3. c. 25. docemur, qvi, simul
cum templo, magno infortunio
con-

conflagnarunt cum Hierosolymæ
 à Babyloniis expugnarentur.
 Sub L. Antonino Commodo Ca-
 pitolium fulmine ictum Biblio-
 thecæ magna cura piorum con-
 gestæ incendium secum traxit.
 Omnium seculorum commise-
 ratione digna est Bibliotheca
 Alexandrina Ptolomei Philadel-
 phi cura & sumptibus erecta,
 quæ nullo malorum consilio aut
 operâ deditâ conflagravit sed à
 Cæsaris militibus auxiliaribus,
 dum ædificia proxima & nava-
 lia incenderentur, ortum dam-
 num. Quadringenta millia li-
 brorum ibidem arsisse in pul-
 cherrimo regiæ opulentia mon-
 umento scribit Seneca cap. 9.
 de Tranq. Animi. At Ammia-
 nus

nus Marcellinus lib. 22. ad numerum 700000. ascendit. Reparatae deinde Bibliothecae à Cleopatra idem fatum fuit. Nam ab Arrianis exustam esse Athanasius prodidit l. de Persecut. Orthodox. Narrant Annales Britanniae, Eboraci Angliae Bibliothecam ab Egberto Eboracensi Archiepiscopo instructam, regnante Stephano una cum Cathedrali Ecclesia fortuito incendio fuisse haustam. Ita quæ non sperantur, ex transverso fiunt, & sine consilio fata partiri videntur superi. Quamquam, si Stoico fides, morbus, captivitas, ruina, ignis, nihil horum repentinum sit. Sapiens enim scit inquam tumultuosum contubernium

nium natura nos cluserit. No-
 vit paucos secunda quies, & cum
 maximè splendet fortuna, vitri
 instar rumpitur. Ubiq; naufra-
 gium Æolus, & incendium Vul-
 canus, Minervæ Destructor, pro-
 curat, etiam maximè cautos op-
 primens, ut si ipse tibi domi ca-
 veas, foris scintillæ advolent. Ex
 Bartholomæo Bononiense nar-
 rat Claudius Clemens l. 3. De
 Mus. Cur. s. 2. cap. 9. de Antonii
 Urcei Codri Grammatici Biblio-
 theca, qui Forolivii habitabat in
 penetralibus palatii, cubiculum-
 que adeò tenebricosum sortitus
 fuerat, ut vel de die indigeret
 lucernæ lumine: hanc cum per
 imprudentiam inextinctam reli-
 quisset negotiorum gratia in fo-

C rum

rum egressus, igne omnem exhaustam, libris conflagentibus, inter quos & is fuit, quem Pastoris titulo ipse composuerat. In sublimiori atq; apertiori parte Musæi hanc Inscriptionem cælaverat: *studia lucernam olentia bene olent.* Certè pessimè hic olebant. A quo periculo jam longo tempore securus fui, qui per 20. annos nunquam ad lucernam studia emensus sum, oculorum imbecillitate refragante, cum Sole labores meos partitus. Quid sit, Vulcanus per insidias externas, nullo domesticorum errore, nostros lares aggressus, Minervam nostram destruxit, sed omni conatu efficere non potuit, ut Jovis cerebrum suis
ruinis

ruinis involveret. Excidium Mu-
 sarum molitur. Sed velut Phœnix
 ex cineribus suis illæ reviviscent.
 Bestiolas quippe imitantur, quas
 in Cypro insula in ærariis forna-
 cibus pennatas nasci Aristoteles
 prodidit in Historia Animalium,
 quæ in igne victitant. De Sala-
 mandra alii similia testantur; sed
 hæc velut canis ad Nilum, ignem
 pertranseundo viscosa cute elu-
 dit. Non moratur in igne, sed
 fugit. Pabulum suggestimus igni
 sævienti chartis æternitati con-
 secrandis, ut experiremur quo
 modo in igne expurgatorio se-
 gererent. Nati olim ad Solem
 explorabantur an legitimi. Mei
 quoque ingenii & laboris foetus ad
 ignem examinati, quia immaturi,

pro vitalibus & legitimis habitibus non sunt, igne ulterius perficiendi. Ita solabar triste & prædii & Bibliothecæ meæ incendium, credidiq; à Deo immortalī quietem in senio crescente imponi & clementer concedi, quā ipse hactenus variorum operum editione mihi denegavi. Ne vel hæc nimis se ad plures curas laxaret, vel charta materiesque scribendi aliis præriperetur, utraqve igne debuit coerceri. Neque enim aliunde incendium accerferim, quā à Deo vel iubente in poenam, vel permittente ad probationem. Aviculas forte innocentes pueri coquebant pro prandio, nescii inde pennæ meæ exurendæ fomenta expe-

expediri. Aruspicinam damnavi,
 nec adhuc magnum illi pretium
 statuo, certus ministros esse Dei
 ignem urentem. Ignispicinam
 potius didici, cujus primus autor
 Amphiaracus Plinio traditur, &
 ex fumo capnomantiam, antea
 mihi ignotam, ut ex fumis sape-
 rem, & in adversis constantiam
 exercerem. Imperium in bona
 mea exercuit Vulcanus, non in
 animum, sævitq; in chartas in-
 nocentes, ut ad innocentiam me
 informaret. Si fractus incendio
 illabatur orbis, impavidum fe-
 rient ruinæ. Superest mens bo-
 na, quam Deus dedit, Philoso-
 phia perfecit. Igneum Dæmo-
 nem non moror, sed ignis Domi-
 num submisso cultu veneror.

Palladius Evagrii discipulus in
Historia Patrum narrat, Igneum
Dæmonem vexasse adolescen-
tem à Divo Machario curatum,
qvi postqvam trium incendio-
rum panes comedisset & aquæ
calicem bibisset, utrumq; eru-
ctans, cibos verrebat in vapo-
rem: ab eo enim non secus ac
igne consumpta fuisse potum &
alimenta. Sicut à Deo immissa
flamma, ita ab eo extincta cum
ad præfinitos illi limites perve-
nisset. Alia incantamenta non
admisericordiam, quanquam sint qvi
arte curiosa ignem & suscitare
se jactent & extingvere. Epipha-
nius notat, Josephum quendam
templum Domino ædificantem
ex Judaismo nuper ad fidem
Chri-

Christi conversum, cum Judæorum præstigiis impeditæ essent calcis fodinæ ardere, jussisse sibi adferri vas aqua plenum & in eo fecisse signaculum crucis, dicendo: In nomine Jesu Nazareni quem crucifixerunt Patres mei & Judæorum hic circumstantium, fiat virtus in hac aqua ad probationem incantationis ac Magiæ, quam hi fecerunt, & ad efficaciam potentia ignis ad perficiendam domum Domini: & sic accepisse aquam & manu singulas fornaces aspersisse ut soluto incantamento statim ignis emergeret. Sunt qui gallo russo incendium sisti dicant. Alii nutu certisque verbis rem conficiunt. Sed solius Dei est, qui imperium

habet in elementa, cui paren-
dum, ut quicquid illius lex im-
mota jubet, sine cunctatione
patiamur. Mallem bonorum
partem superstitem unà confla-
grasse, quam nescio vel invito
Deo servatam. Neque vindicis
Dei semper signum censendus
ignis, quanquam nemo nostrum
culpa vacet. Sæpe quippe be-
nignum se flammis immisis-
monstravit. Moyse, Elia, Salo-
mone immolantibus, ignis cœlo
demissus victimas accendit ac
singularis favoris indicio con-
sumsit. Paganis idem de Dis suis
creditum. Seleuco Pellæ rem
sacram facienti, ligna aræ impo-
sita sua sponte sine igne exarse-
runt. In ara Egnatiæ Nymphæ

in

in Appulis ex lignis exstructis & non incensis, repente exilierunt flammæ. In colle Vulcano apud Siculos juxta Petrensium Stagnum farmentorum fascēs ex se sua sponte ignem conceperunt, nulloq; adhibito carbone, nullo vento flante in incendium eruperunt. Fabulosa quidem hæc posteriora reputat Casp. Peuce- rus de Divin. Gen. aut fascino ex- cœcatis hominibus à Diabolo perfecta igne subdito: cæterum benignas de igne à DIS immisso cogitationes produnt. Inter læta enim signa ignis numeratus, sicut variis veterum documentis in Libris De Luce Animalium do- cuimus. Hinc lucernarum origo in sacris tam Judæorum quam

Christianorum, qui id à Romanis habuerunt, apud quos tædis lucidæ erant ædes festivæ. In quam rem plura congeffit testimonia Jo. à Chokier Cent. 2. cap. 8. Fac. Histor. qui videri potest. Lætitiæ quoque omen erat ignis advenientium hospitem, non ille, ut loquitur Seneca, qui ex lautorum culinæ erumpere & terrere vigilēs solet, sed hic modicus qui hospites venisse significat. Tantoque in precio habitus apud Persas, ut Strabo lib. 15. Geogr. referat, præcipuè igni & aquæ sacrificasse, igni arida ligna imponentes, adepto cortice, & arvina super injecta, deinde infuso oleo, succendentes, non inspirantes, sed ventilantes. Quod si quis

quis inspiraret aut mortuum
 quicquam cœnumve in ignem
 immiserit, morte plectebatur.
 Hinc Persæ & Ægyptii nefas pu-
 tabant, mortuos comburere.
 Nam Persæ ignem Deum existi-
 mant, seu, ut loquitur Sextus Em-
 piricus adv. Mathem. l. 8. θεοφορεῖν,
 ignem in Deos referunt, Herve-
 to interprete. Quare minus ju-
 stum judicant, humanum cada-
 ver, Romanorum Barbarorumq;
 more, offerre Deo. Imò pul-
 chritudini ignis comparatur.
 Xenophon enim ait, ignis qui-
 dem tangentes solum urit, pul-
 chri verò etiam procul distantes
 inflammant. Videndus de eo
 argumento Stobæus Serm. 64.
 Nupt. Nero certè, monstrum
 illud

illud generis humani, pulchrum
 Roma conflagrante spectaculum
 hausit. Apud Romanos
 imperii æternitatem designabat
 ignis perpetuus, cui Virgines
 Vestales servire solebant. Cur
 id? Quod sicut ex virgine, ita ex
 igne nihil nascatur B. Augustino
 lib. 4. Civ. Dei cap. 10. Sed puri-
 tatis communis officio fungebantur,
 & imperii vigilantissimi indicium
 præferebant. Ignis enim
 vigilantia signum. Hinc speculatorii
 ignes excitantur, Trojanis
 temporibus haud ignoti. Virgil.
 l. 6. Æneid.

— flammam media ipsa tenebat

Ingentem, & summâ Danaos ex arce vocabat.

Im-

Imperatoribus significabant quæ
 scire intererat. Apul. l. de Mun-
 do: Ex eo numero erant & diu-
 turni cursores, atq; nocturni ex-
 ploratores, & per vices incensæ
 faces ex omnibus regni sublimi-
 bus locis in uno die Imperatori
 significabant, quod scitu erat
 opus. Tanta beneficia ignis
 sunt, quæ cum damno quidem
 meo expertus sum, sed pro solat-
 io damni interpretor. Mala
 omnia, quæ eveniunt, pro bonis
 sapiens accipit, quia cum lædere
 vel frangere animum utriq; for-
 tunæ parem non possint, non
 nisi in externis occupata, doloris
 sui sensum leviolem corpori im-
 primunt. Causam ego gravem
 video nullam, quæ a consveta
 animi

animi tranquillitate me dimoveat, salva uxore, liberisq; superstitibus, imò, ipso me salvo, ut votum Bilbilici ad Theodorum, invertere possim ex l. XI. Ep. 94.

Pierios vatis Barthlini flamma
Penates

Abstulit. Hoc Musis, hoc tibi,
Phoebe, placet?

Olaus, ô magnum facinus, Superumq; favores,

Non arsit pariter, quod domus, & Dominus.

Jactura facta est bonorum, sed non omnium, sed minimorum.

Crevit cottidie quinquaginta & quatuor annorum spatium felicitas mea, auctæ facultates Dei benig-nitate. Cur leve telum ægre ferrem? Tributum Deo persolvi semel,

femel, sed moderatum, quod
 sæpe aliis & gravius imponit.
 Ædificium magnis sumptibus &
 emptum & restauratum corruit,
 ut splendidius ad leges Archi-
 tecturæ commodiusq; exstrua-
 tur. Salvus fundus, horreum
 mansit, florent sylvæ, prata,
 campus. Ex 50. circiter villis
 prædio meo subjectis, octo tan-
 tum incensæ, ut de immunitati-
 bus tributorum à Rege clemen-
 ter concessis gloriarentur. Deus
 crumenam laceravit, ut amplio-
 rem redderet. Rex indulgen-
 tissimus beneficiis suis favet.
 Amici domi forisq; condolent,
 captantq; occasiones certanti-
 bus officiis, ut se amicos reapse
 præbent. Quid plura? Librorum
 sele-

selectorum, studio meo non ostentationi inservientium, deplorare incendium non debeo, quia vel ære redimi possunt, vel quia iis hactenus satisfactis, in senio meo carere possum. Una doloris causa in Manus exaratis libris superest, quæ non tam me, quam publicum tangit. Publica ea jactura est, pro qua nemo mortalium pacisci queat, quia irreparabilis. Me immenso onere & gravi sarcina sublevatum sentio, omnia mecum, quæ scio, portans. Ocio meo nemo jam invidet, sed ignoscit, in quo mihi magis gravis vixi, quam aliis supervacuum. Major jam sum, quam ut mancipium sim Bibliothecæ, quæ non aliter ab aliis

aliis possidetur, quam ut vinculum ingenii. Posthac si quid per ætatis oblivionem perdidi, in quo se animus & penna explicare solebat, utilioribus, quæ ad mortis meditationem ducunt, ut melior beatiorq; ex vita exeam, commutabo. Tempus enim monet, & Deus quasi dato per ignem exploratorium signo iussit, ut sarcinis collectis, de alio post fata vivendi genere serio cogitem, spretisq; mundanis, quæ hætenus vel mentem occuparunt, vel calamum delasserunt, ad immortales de Deo animaq; curas me totum componam. Immortales credidi literas, sed jam didici à Vulcano esse mortales. Sola mens mortali-

D lita-

litate[m] effugit. Nam qvanqvam
Ægyptii perſvaſum habuerint,
ſicut narranti Stobæo Serm. 22.
Conſulat. credimus, ignem ani-
matam qvandam eſſe belluam,
qvæ qvæcunq; nanciſcitur, de-
vorat atq; conſumit: at cum eſt
expleta, ipſam & qvæ ab ea vo-
rata ſunt, una emori: Tamen
conſumere non poteſt ea, qvæ
conſumi ipſâ æternitate non
poſſunt. In hæc nulla Protervia
valet, qvæ olim dicta, cum omnia
igne cremabantur in Vulcani
ſacris, de qvo Gyraldus in Hiſt.
Deorum diſſerit. Anima velut
aurum igne purificatur, non læ-
ditur. Et verè B. Auguſtinus
l. 12. Civ. cap. 4. ignis ipſe pœna-
liter, vel ut alii legunt, aliter,
appo-

appositus perniciosus est, qui
 conuenienter adhibitus/commo-
 dissimus invenitur. In illo ar-
 dore, qui displicere videtur, non-
 nulla animalia per convenien-
 tiam salubriter dicuntur vivere:
 & nos per ejus violentiam mo-
 niti prudenter & piè. Ausimq;
 & cineribus librorum meorum,
 quos vel ventus dissipat, vel pe-
 dibus calcamus, perpetuitatem
 famæ polliceri. Vivent in ore
 hominum, vivent in recordatio-
 ne nostra, vivent in eruditorum
 desideriis, & si seculum Phœnicis
 revideamus, pulveres vicinos
 secum animabunt. Non semel
 rogam illorum altâ cogitatione
 immersus transii. Visa sunt ve-
 stigia librorum confusa, qualia

animalia quædam circa cubile
faciunt, ne inveniri possint. In-
gemui. Mox quietem gratula-
tus, nihil interesse vidi inter
quercum & papyrum, nisi quod
illa dispersa silentio involvatur,
hæc per me, per amicos, per
historias hebdomadales decan-
tetur, semperque revirescat.
Quoad humanum genus incolu-
me manserit, quamdiu literis
usus, honor erit libris sine litteris
jam legendis:

Vos docti cineres, famæ spes
maxima nostræ,

Pulveribus tandem vix tamen
apta meis:

Inter & immensas & tristes for-
te ruinas

Si nostræ moveat vos pia cura
manus; Heu

Heu meminisse nocet. Durum
est. Cur? fata perorant,
Ut vos longa quies, sed sine
nocte, premat.

Sic latuisse juvat. Juncta cona-
bimur arte

Ad superos nostra ut nomina
flamma ferat.

Expositi in publicum estis,
antequam nati, & ante cum ap-
plausu editi quam omnia nascen-
di tempora percursa essent. Fa-
cili hoc gradu ad immortalita-
tem grassamini, quia sine ty-
porum injuriâ ad publicum e-
merfistis, & sine tineis ad famam.
Quid interest blattis tineisque
consumi, an ab igne? Non ulti-
ni hoc fato eritis, nec primi
uistis. Amoris indicium fuit,
D 3 quod

quod domo nutritia confla-
 grante, iisdem flammis vos sub-
 miseritis, sicut apud Indos uxores
 maritorum rogis absumentur.
 Loquimini inter ruinas vestras
 auctoris vestri institutum, & quod
 syllabis non valetis, pulvere
 signate, diligentiae nostrae testes
 perpetui vel eruditionis. Ita ul-
 timum cineribus vale dixi, hac
 addita Inscriptione:

D. M.

Qui transis Spectator
 Favillas eruditas vide & in-
 gemisce.

Heic cineres docti profanis misti

Loqui non cessant

Quamquam & literae desint &
 linguae

Quos posteri loquentur

Etiam

Etiam cum propriis colluctan-
tes cineribus
Quorum flamma absumere po-
tuit contextum
Neutiquam in orbe locum,
Nunquam memoriam.
Abi ocyus
Ne pulvere moto oculi frustra
offendantur
Qui se in hoc librorum pul-
vere
Ante cineres
Cum voluptate occuparunt.

Cæterum ut orbi docto & curio-
so constet, quæ amissa sint opera,
nostrâ manu elaborata, Panci-
rolli Deperditis annumeranda,
quia bis scribere non soleo, non
gravabor indice digito monstra-

re titulos librorum, quos relegere grave est. Tot plerumque librorum tituli Catalogis publicis consignati leguntur, qui futuris Nundinis prodituri expectantur. Hic Lector inspiciet, quales posthac desiderare possit, nunquam lecturus. Si nihil unquam molitus fuisset præter ista desperdita, satis laudis ad me, & commodi ad publicum redundasset. Jam testari possunt, plura mihi vitæ esse argumenta, præter ætatem.

I. Celsus de Medicina Notis Variis Medicis, Philologicis & Antiqvariis à me illustratus, cum Variis Lectionibus & Lexico Cl. V. Joh. Rhodii.

Opus

Opus diu orbi erudito desideratum, quod annis abhinc XXX. promisit beatus Rhodius, sed nunquam serio manum admovit. Varias tantum Lectiones magna cura congeffit ex Codicibus MStis Florentino, Vaticano, Veneto, Mediolanensi, aliisque, omnibusq; libris editis, quæ sine ulla censura ad manus meas pervenerunt beneficio beati Collegæ nostri D. Thomæ Bangii, ad quem reculæ posthumæ Rhodianæ hæreditate conjugis pertinebant. Emendationes promiserat, quas nunquam nancisci potui. Lexicon deniq; composuit, in quo maximam tot annorum partem consumpsit. Ego verò notis Medicis & Philo-

D 5

logi-

logicis universum Autorem illustrare in me suscepi, jamque ad finem quinti libri me perduxerat ordo, addita ubique *Inquiries* ad varias lectiones tam à Rhodio collectas, quam per me superadditas. Cæterum frustra-
neus omnis noster labor. Inter-
cidit jam multorum annorum
meditatum opus, nec spes est
damnum refarciri posse. Abiit
enim hinc Celsus noster ad ex-
celsos, sui omnibus eruditis desi-
derio relicto.

*II. Anatome Practica, ex
morbo defunctis, pro sede affecta
inquirenda.*

Utilissimo operi annos pluscu-
los dedicavi. Universam Ana-
tomen non ad morem vulgarem
alio-

aliorum Prosectorum, qui hæc-
 nus in hoc pulvere defudarunt,
 ex sanis corporibus, sed morbo
 defunctis ea methodo compo-
 sui, ut singularum partium à ca-
 pite ad calcem constitutio præ-
 ternaturalis in quocunque mor-
 bo innotesceret, idque ex sola
αὐτοψία. V. g. in Hydrope, Phtisi,
 Apoplexia, Febre, aliisque, quæ
 sit viscerum singulorum color,
 figura, connexio, situs, &c. ex
 cadaveribus hoc vel illo morbo
 denatis descripsi, propriâ inspe-
 ctione usus tam in publicis Secti-
 onibus morbidorum, quam pri-
 vatis defunctorum, quam in No-
 focomiis publicis à me in longa
 peregrinatione olim visitatis.
 Inspexi ad institutum meum pro-
 moven-

movendum omnium Medicorum tam Veterum quam Recentiorum libros, quos Practicos vocamus, Institutiones, Observationes, Epistolas, Historias, Consultationes, Anatomes, Casus, & ubicunq; morbidum cadaver apertum inveni, meo argumento adjeci. Quo fine quoq; lecti sunt gentium Variarum Annales & Ephemerides, ubi Principum exenterationes pro conditura annotantur. Magnum inde ad sedes affectas cognoscendas, & ad curationem morborum momentum promittere ausus fuisssem, si ad finem perducere susceptum dudum ex quo Anatomica tractavi opus licuisset. Idem argumentum desiderarunt
mul-

multi, nemo hactenus perfecit. Nec unius hominis est aut ætatis. Rogandi verò sunt Profectores in Academiis, in Nosodochiis, ut huic Anatome utili operam impendant, ex qua plus ad Rempublicam Medicam commodi redundabit, quam ex cæteris sanorum sectionibus, curiosis sæpe, non proficuis, quam ex reliquis Practicorum libris, qui variis signis, sed dubiis, de internis morborum sedibus conjecturam faciunt. Ab ostentatione alienum mihi ingenium natura dedit. In hoc tamen mustaceo laureolam reportassem, nisi invidia Vulcani intervenisset.

III. Antiquitates Puerperii
 Variarum gentium, inprimis Romanorum.

Opus

Opus varia eruditione, nisi
me fefellit opinio, refertum,
cujus prima lineamenta duxi an-
nis abhinc triginta & amplius,
idq; svasu Cl. Walæi, qui id ar-
gumentum desiderari monuit.
Meursius quidem Græcæ litera-
turæ interpres celebris de Græ-
corum puerperio folia tria olim
publici juris fecit, sed nimia bre-
vitate lectorem curiosum satiare
non potest. Ad plura digressus
ego, quicquid Autorum veterum
lectio assidua, quicquid Philolo-
gorum aliorum observationes,
quicquid variarum gentium in-
stituta, mores, ritus, antiquitates
suppeditarunt, quicquid ad hoc
argumentum illustrandum E-
bræi Doctores, Græci sapientes,
Roma.

Romani diligentes conferre poterunt, cum delectu selegi & suo ordini reddidi, grata & diffusa varietate nascendi tempora percurrens, quid nempe ante nativitatem, quid in puerperio, quid postea actum fuerit. Ornarunt Librum justæ magnitudinis variæ veterum Inscriptiones, & figuræ passim Romæ, Neapolis, Gaëtæ, Florentiæ, in Sicilia magno studio à me collectæ ex ruderibus & Doctorum Virorum monumentis. Synopsin seu summa Capita typis publicis olim commisi cum reducem me patria Academia primum vidisset. Nec destiti exinde ad susceptum Opus augendum conferre quicquid vel propria lectio

sug-

suggestit, vel eruditi alii ad rem pertinere judicarunt, ut si inducias exigui temporis fata concessissent, fidem publico exsolvere quamprimum potuissem. Jam in ipso puerperio foetus, in partu laborans, extinctus, Lucinam inimicam nunquam sollicitabit, nec Prosam nec Postversam. Abiit enim illuc, unde negant redire quenquam.

IV. Anatome Pagana.

Veterum de singulis corporis partibus superstitiones vel religiones, ritusque ex veterum monumentis tradidit & ex Theologia Paganorum.

V. Epistolarum Medicinalium Centurias Tres

Ad

Ad prælum paratas habebam, jamq; omnibus necessariis conquisitis, ad editionem se accinxerat Hauboldus, ex cujus officina Priores quatuor Centuriæ, quæ publicè leguntur, prodierunt pridem. Vehementer excrucior quod interciderint Magnorum amicorum litteræ de variis rem Medicam & Naturalem concernentibus, una cum Responsionibus meis, multis Observationibus refertis. Non mea culpa aut oblivione periisse responsa, ab eruditis amicis expetita, injurato credent Lectores. Quanquam verò nescius haud sim, commercium interdum litterarum intercurrisse illorum, quos publica fama vel damnavit

E

vel suspectos habuit; (jure vel injuria, ad me non spectat,) sciat tamen orbis, semper menti meæ obversari Senecæ illud cap. II. de Tranq. An. *nunquam me in bona re mali pudere auctoris.* Etiam detrimento famæ meæ paratus fui, majorum præsertim accedente autoritate, tentare Viro- rum fama quacunq; eruditionis vel experientiæ notorum pen- nas, & excutere loculos, si forte arcana humanis sensibus & vale- tudini profutura exinde elici possent. Si quid hac parte à me peccatum, publicum juvandi studio imputetur, cui me hæc- nus consecravi.

VI. Liber De Morbis Lym- phaticis.

Inven-

Inventis Vasis novis Lymphaticis, ut usum illustrem propalarem, omnium morborum seriem percurri, qui à lymphæ vitio vel deficientis, vel abundantis vel corrupti dependent vel alio modo peccantis vel intra vasa sua vel vesiculis conclusi vel alieno loco effusi. Non displicuisse eruditis propositum, ex multorum voto intellexi, præsertim cum pleraq; sensibus ipsis comprobaverim & lymphæ vitiatæ remedia proposuerim. Cæterum medium operis cursum stitit flamma, lymphis adversa, ut lampada hanc aliis tradere cogar qui vel ætate magis florent, vel ad experimenta robur habent & occasionem. Ex-

perientia quippe vegetos sensus
requirit & integras vires, quas
deficere cottidie sentio, ut non
tam fortunæ aut occasione, quam
ætati cedere cogar. Sine expe-
rientia verò longâ, in dissectione
corporum exercitata, frustra hic
quicquam præclari præstiteris.
Veniam igitur ab orbe erudito
de facili impetrabo, quod operis
promissi voto exciderit, & si forte
quidam inter alios titulum hujus
libri legerint in Catalogis Franco-
furtensibus, sciant Paullini nostri
studio promissum fuisse publico
opus, quod ad editionem amicè
concesseram quamprimū ultimā
manum imposuissem. Ne ea ob-
servatione privetur Lector, addo
inter postremas observationes fu-
isse

isse Nobilem Matronam, in cujus utero post mortem aperto globuli connexi splendida lymphæ gelatina pleni inventi, quorum particulas etiam ante excrevit quam fatis cederet.

VII. Medicina Danica inquilinis remediis proprios morbos sanās.

Vulgo nostro inservire placuit, non doctis, quamquam malam gratiam inire videar à Pharmacopœis. Cœterum magis me credidi obstrictum publicæ patriæ utilitati, quam quæstui mercatorum ex alienis longeqve petitis mercibus ditescantium. Dedit Deus inquilina remedia pro curatione morborum domesticorum, quibus uti potest quisquis ab officinis Phar-

maceuticis remotior, nec Medicos habet quos consulat, nec marsupium, quod peregrinis remediis impendat. In prædionata scribendi & experiundi occasio, ut vel amicis vicinis, vel egenis, vel domesticis, auxilium à me petentibus, subvenirem. Neq; enim semper in urbem ad officinas se ablegari æquo animo passi sunt, & infra medici dignitatem naturæq; domesticæ gloriæ existimavi, foris quærere magnis impensis remedia, quæ domi pedibus ubiq; calcamus sine precio. Ita cum in prædico degenti mihi non ita pridem offerrentur duæ puellæ morbilli malignis in maxillis defædatæ gangræna serpente & universa

facie
stati
finel
tatis
vinc
rabi
græ
aliu
mih
me
vini
cop
ant
ger
gra
per
abl
pa
no
ter
faci

faciei turpitudinem minante :
 statim sola aqua marina cui ab-
 sinthium incoxeram stiti maligni-
 tatis progressum & à deformitate
 vindicavi. Eodem remedio pa-
 rabili imminentem in pede gan-
 grænam Viri inhibui. Cum
 alius paralyfin lateris sinistri
 mihi aperiret, jussi spiritum fru-
 menti, quæ nostris pro spiritu
 vini utuntur, cum herba paralyfi
 copiosè in sylvis nostris luxuri-
 ante extractum spinæ dorsi inun-
 gere. Pleuritides populariter
 grassantes solo hordei decocto
 persanavi, cum à venæsectione
 abhorrerent. Scorbuticos non
 paucos decumbentes trifolio
 nostro aquatico in cerevisia ve-
 teri, quam pro balsamo singulari

fellæ nostræ servant, decocto feliciter restitui. Hydropicos foliis tenerioribus Sambuci loco foliorum Senæ, expurgavi, & ubiq; his illa substitui. Alias infinitas curationes omitto. Nec jam memoriæ occurrunt, quæ de populari Medicina cogitandi dederunt occasionem.

VIII. Bibliotheca Anatomica.

Omnium Prosectorum tam Veterum quam Recentiorum scripta, inventa, vitas, & effigies quas nancisci licuit, complexus breviter fueram.

IX. Observationes De Unicornu Audæ.

Plurimis observationibus creverat liber olim à me Patavii editus, jamque figuris nonnullis au-

auctior in procinctu stabat qui iterum in publicam lucem procederet, & Bibliopolis nostris prima data occasione licentiam impressionis promiseram.

X. De Pygmæis Analecta.

Opusculum beati Parentis D. Caspari Bartholini Senioris, his Analectis passim à me lectis & observatis auxeram.

XI. Apologia Pro Pharmacopœa Danorum.

In Medicorum nostrorum defensionem conscripta, si forte, quod nonnulli jactitarunt, Medicinam nostram Danorum virulenta lingua & penna aggredi volupe cuiquam foret.

XII. De Glossopetris Melitensibus Dissertatio.

Cum

Cum olim Melitam Insulam inviserem, nata mihi fuit hæc Dissertatio, collectis glossopetris omnium figurarum & magnitudinum quas incolæ illius loci afferebant, quasque ipse hinc inde ad Musæi complementū conqvisiveram. Cæterum aliis lucubrationibus exinde distractus perficere incepta non potui. Summam tamen Dissertationis in Historiis Anatomicis signavi.

XIII. De Morbis Fungosis Opusculum.

Occasionem scribendi dederat Fungus pedi cujusdam Neapolitani annatus, quem Marcus Aurelius Severinus, in cujus familia studiorum communium causa vixi, mascula & cordata manu

manu curavit. In Catalogo librorum à me edendorum, qṽi Panormi 1644. prodiit, & qvem deinde Vitis Academicorum suorum Illustriſ Senator Venetus Jo. Franciſcus Lauretanus inſeruit, ſpem publicè hujus libelli & aliorum, qvos perficere non ſivit ætas, feceram. Nam multa cadunt inter calicem ſupremaqve labra.

XIV. Antiquitates Homini Medico neceſſariæ.

Tam multæ illæ ſunt, ut brevi libello abſolvi neqveant. Sine antiquitatum notiâ ne titivilitio Medicus eruditus æſtimandus. De balneis & veterum exercitationibus, aliſqve huc ſpectantibus, res confeſſa apud peritos. Lumen

Lumen prætulent Mercurialis, Cagnatus, Reinesius, & alii, quos impari gressu quamquam seqvar, certus tamen sum vel ex hoc Libello, vel Notis meis ad Celsum, infantiam meam in hoc studiorum genere accusari non potuisse, si flammis eximi concessissent fata. Beatus noster Rhodius in Scribonio, & Dissertatione de Acia seu Fibula veterum, & de Ponderibus monstravit se Virum Antiquitatum Medicarum peritum.

XV. Instrumenta Medica.

Et figuras & usum & descriptionem omnium Instrumentorum Medicorum adumbraveram, quæ vel veterum vel re-

cen-

centiorum Medicorum industria invenit.

XVI. Miscellanea Medica.

Utilia pariter & jucunda.

XVII. Arcanorum Medicorum Volumen.

Thesaurus à me collectus fide experimentorum & remedium-
rum secreto usu se mortalibus commendavit.

XVIII. De Animalibus in Norvegia.

Animalium Norvegiæ, terre-
strium nempe, aquatiliū & vo-
latiliū descriptionem lingua
vernacula veteri exorsus olim in
Norvegia fuerat patriæ aman-
tissimus Dn. Petrus Claudius Un-
dalinus, autor Historiæ vernacu-
læ Norwegicæ à Magno nostro
Docto-

Doctore Olao Wormio editæ;
Sed rudi Minerva religiosus Vir
partibus istis functus est. Cum
mihi ex reculis Paternis D. Wil-
helmus Worm, laceras Undalini
pagellas concederet, accuratius
singulorum animalium historiam
examinavi, in ordinem redegi,
auxi, illustravi, & lingua docto-
rum legendam exhibere con-
stitui.

*XIX. Notule Hippocraticæ in
Aphorismos Hippocratis.*

Ex mente enim Hippocratis
ipsius optimè Aphorismorum
sensum assequimur.

*XX. Notæ & Emendationes in
Cælium Aurelianum.*

Methodici hujus Autoris libri
De Morbis Acutis & Chronicis
manu

manu medica indigentes, non obiter à me lecti, quia obscura & dubia multa continent sive Methodicorum sententias expendas, sive dictionis novitatem, digni mihi visi sunt, in quibus ingenii vires experirer, quosque Emendationibus non paucis illustrarem.

XXI. Strabus Gallus Notulis & Variis Lectionibus illustratus.

Hortulus hujus Poëtæ Medici amœnissimus non parum lucis & splendoris mutuatur ex Manuscripto meo Codice eleganti caractere in membrana scripto, cujus cineres inter alios deploro libros Manu veteri scriptos Vulcano consecratos, quos inter selectæ

lectæ Bibliothecæ usum in prædio locaveram.

XXII. Jo. Rhodii De Ponderibus & Mensuris Celsi Commentarius.

Confusus illē quidem, à me eo animo descriptus, ut Celsi editioni, velut præclara lacinia egregiæ purpuræ, assueretur.

XXIII. Jo. Rhodii Notæ & Emendationes in Vegetium De Mulomedicina.

Notæ perbreves erant, sed variarum lectionum numerus infinitus. Lexicon quoque accessit modo Rhodiano concinnatum.

XXIV. Simonis Paulli Observationes Crocodili.

Lau-

Laudati Viri dextra manu & arte
 dissecti fuere duo Crocodili Haf-
 niam non ita pridem advecti ad
 Divum FRIDERICUM TERTIUM
 Daniæ Regem Augustissimum.
 Quas in iis observationes habuit,
 aliis negotiis distractus, mihi a-
 micè cum figuris concredidit,
 ut dato ocio meis observationi-
 bus auctas in publicam orbis cu-
 riosi scenam producerem. Sed
 jam aquis in Nilo assueti, didi-
 cerunt etiam ignem ferre.

*XXV. Jacobi Holste de Febri-
 bus Commentarius.*

Doleo Eruditi Viri Doctum
 Commentarium periisse, quem
 ad me, nomini meo inscriptum,
 miserat ut prælo nostro subjice-
 retur. Titulus libri trivialis,

F

sed

sed nihil plebejum continens. Ex novis enim principiis succi nervei & flammulæ cordis februm causas & Symptomata deduxit, de quibus in Protropo publicè omnes monuit. Ego in laudem libri & Autoris Præfationem addidi.

XXVI. Filiorum meorum Caspari, Christophori & Thomæ Bartholinorum *Panegyricæ Orationes* Memoriam Divi FRIDERICI TERTII Regis Daniæ Sacræ.

In Oratorio Sacro Hagestedano soluta & ligata oratione merita Divi Regis prosequuti sunt filii, ut etiam à minimis laudaretur ille qui maximorum laudes & gloriam superavit. Est quippe aliquid prodire tenus, si non da-

datur ultra, & devotus filiorum animus, qui à se nihil, ab illo, quem orationibus laudarunt, splendorem mutuatur, officio suo & obsequio satis se fecisse existimavit, quod voluisse licuerit. Posse enim vix majorum gentium Oratoribus hactenus concessum.

XXVII. Parum abfuit quin inter deperdita numeraretur *Anatome mea* ex omnium Recentiorum propriisqve Observationibus quartum ad Circulationem Sanguinis & Vasa Lymphatica *Renovata*, quam non ita pridem ad Celeberrimum Virum D. Gerardum Blasium Medicinæ Professore Amstelodamensem miseram ut typis Hackianis in

Belgio novis figuris illustrata sub-
jiceretur. Periculum imminens
quasi fuga prævertit, tutiori loco
inter amici manus conservanda,
nec dubito quin brevi sumptis a-
lis universum orbem sit pervoli-
tura. Utinam Auspicato. Extra
teli jactum positam scio, quia
Nymphis se defendit & Lym-
phis, nec Vulcani injuriis expo-
nitur aquis Batavorum Martiis
innixa. Vera quidem sententia
est Publii apud Stoicum:

Cuius potest accidere, quod
cuiquam potest:

Cæterum non tam facile iter for-
tunæ patet ad librorum interitū,
si typorum beneficio se multipli-
cent, & plus mille exemplaribus
legantur per orbem dispersi, nisi
uni-

universum hoc, quod incolimus, communi ruinæ subjiciatur, aut flammæ se per omnes orbis angulos diffundant. Hujus artis divinæ beneficiū est, quod cætera Opuscula mea, quæ hæten⁹ edita sunt, adhuc relegere possim vel ab amicis vel ex officina Libraria repetenda. Penes Vulcanum si arbitrium rei stetisset, etiam hac librorum particula orbis essem. Nisi grave sit Lectori, Catalogum subnectam privatæ Bibliothecæ ex propriis vel meo nomini dicatis Operibus hætenus editis constructæ, quam Vulcanus quidem cum reliquis consumpsit, sed minori meo damno, quia alibi prostant.

I. Anatomia Casp. Bartholini Parentis, novis Observationibus & figuris à me Locupletata. Lugduni-Batavorum 1641. in 8. apud Fr. Hackium.

II. Anatomia eadem Germanico idiomate edita à Simone Paulli, Hafniæ 1648. in 8. apud Moltkenium.

III. Anatomia Secundum Locupletata. Lugd. Bat. in 8. apud Hackium 1645.

IV. Anatomia eadem Gallica lingua edita ab Abrahamo Pratao. Parisiis 1646. in 4. apud Oliv. Varennes.

V. Anatomia eadem Italicis versibus reddita per Hostilium Contalgenum. Florent. 1651. in 12.

VI. Ana-

VI. Anatomia Tertium ad Sangvinis Circulationem Reformatam, cum novis iconibus Lugd. Bat. 1651. in 8. apud Hackium.

VII. Eadem Anatomia. Hagæ-Comitis 1655. in 8. apud Adr. Vlacq.

VIII. Eadem Anatomia. Hagæ-Comitis 1660. in 8. apud eundem cum append. Lymphatic.

IX. Eadem Anatomia. Lugd. Bat. & Roterodami apud Hackios in 8. 1669.

X. Eadem Anatomia in Belgicam linguam translata & edita à Thoma Staffart. Lugduni-Bat. 1653. in 8. apud Hackium.

XI. Eadem Anatomia Belgica. Hagæ-Comitis. 1658. in 8. apud Vlacq.

XII. Eadem Anatomia cum
Notis Th Staffart. Lugd. Bar.
1669. apud Hackios.

XIII. Anatomica Aneurysma-
tis dissecti historia. Cum Cl. D.
van Horne ejusdem argumenti
Epistola. Panormi 1644. in 8. ap.
Alph. de Isola.

XIV. De Unicornu Observa-
tiones Novæ. Patavii 1645. in 8.
apud Jul Crivellari.

XV. De Monstris in Natura
& Medicina. Basileæ 1645. in 4.
apud Georg. Decker.

XVI. De Angina Puerorum
Campaniæ Siciliæqve Epidemi-
ca Exercitationes, cum Cl. Viri
Renati Moræi de Laryngotomia
Epistola. Parisiis 1646. in 8. apud
Oliv. de Varennes.

XVII.

XVII. Commentarius in Severini Pædanchona. Neap. 1663. in 8. apud Robertum Mollium.

XVIII. De Latere Christi aperto Dissertatio. Lugduni-Bat. 1646. in 8. apud Jo. Maire.

XIX. Antiquitatum Veteris Puerperii Synopsis. Hafniæ 1646. in 8. apud M. Martzan.

XX. De Luce Animalium Libri III. admirandis historiis, rationibusque novis referti. Lugd. Bat. 1647. in 8. apud Fr. Hackium.

XXI. De Luce Hominum & Brutorum Libri III. Editio secunda auctior & emendatior. Hafn. 1669. in 8. apud P. Hauboldum.

XXII. De Armillis Veterum, præsertim Danorum Schedion. Hafn. 1648. in 8. apud M. Martzan.

XXIII. *Anatomicæ Vindiciæ* Cl. V. Casp. Hofmanno, aliisque oppositæ. Hafniæ 1648. in 4. apud M. Martzan.

XXIV. *Animadversiones in Anatomica Hofmanni*. Hafniæ 1648. in 4. apud eundem.

XXV. *De Variis Reipublicæ Christianæ Morbis, & placidis illorum remediis Dissertatio Oratoria*. Hafniæ 1649. in 4. apud M. Martzan.

XXVI. *Collegium Anatomicum Disputationibus 18. adornatum*. Hafniæ 1651. in 4. apud Varios.

XXVII. *De Cruce Christi Hypomnemata* IV. 1. *De Sedili medio*. 2. *De Vino Myrrhato*. 3. *De Corona Spinea*. 4. *De Sudo-*

re

re Sangvineo. Hafniæ 1651. in 8.
apud M. Martzan.

XXVIII. Eadem Hypomnemata. Amstelodami 1670. in 12.
apud Andr. Frisium.

XXIX. De Lacteis Thoracicis in Homine brutisqve observatis Historia Anatomica. Hafniæ 1652. in 4. apud M. Martzan.

XXX. Eadem. Parisiis 1654. in 8 apud Mat. du Puis.

XXXI. Eadem. Genuæ 1654. in 8. apud Ben. Guaschi,

XXXII. Eadem. Lugd. Bat. 1654. in 12. apud Wiingard.

XXXIII. Eadem. Londini 1652. in 12. apud Oct. Pulleyn.

XXXIV. Eadem. Ultrajecti 1654. in 12. apud Achersd.

XXXV.

XXXV. Eadem. Heidelbergæ 1659. in 8. apud Wiingard.

XXXVI. De Lacteis Thoracicis Dubia Anatomica, & An Hepatis funus immutet medendi methodum. Hafniæ 1653. apud M. Martzan in 4.

XXXVII. Vasa Lymphatica in Animalibus inventa, & Hepatis Exsequiæ. Hafniæ 1653. in 4. apud G. Holst.

XXXVIII. Vasa Lymphatica in Homine inventa. Hafniæ 1654. in 4. apud M. Martzan.

XXXIX. Defensio Vasorum Lacteorum & Lymphaticorum adversus Jo. Riolanum. Hafniæ 1655. in 4. apud M. Martzan.

XL. Examen Lactearum contra Riolanum & Harvejum. Haf-

Hafniæ 1655. in 4. apud Melchior-
rem Martzan.

XL I. Spicilegium Primum,
ex Vasis Lymphaticis, ubi Cla-
rissimi Viri Glissonii & Pecqveti
sententiæ expenduntur. Hafniæ
1657. in 4 apud P. Morfing.

XL II. Spicilegium Secun-
dum ex Vasis Lymphaticis, ubi
Backii, Cattierii, le Noble, Tar-
dii, Whartoni, Charletoni & Bil-
sii Sententiæ examinantur. Haf-
niæ 1660. in 4. apud P. Morfing.

XL III. Spicilegia bina De
Vasis Lymphaticis uno volumi-
ne recusa, edente Gerardo Bla-
sio. Amstelodami 1661. in 12. a-
pud Montanum.

XL IV. Paralytici Novi Te-
stamenti Medico. & Philologico
Com-

Commentario illustrati. Hafniæ 1653. in 4. apud M. Martzan.

XLV. Paralytici iidem, edente Georg. Segero. Basileæ 1662. in 8. apud L. König.

XLVI. Oratio in Obitum D. Olai Wormii. Hafniæ 1655. in 4. apud M. Martzan.

XLVII. Oratio in Obitum D. Henrici Fuijen. Hafniæ 1659. in 4. apud Morfing. Vid.

XLVIII. Dispensatorium Hafniense. Hafniæ 1658. in 4. ap. G. Lamprecht.

XLIX. Historiarum Anatomicarum Rariorum Centuria Prima & secunda. Hafniæ 1654. in 8. apud P. Hauboldum.

L. Historiarum Anatomicarum Centuria I. & II. Hagæ Comit. 1654. in 8.

LI.

LI. Historiarum Anatomica-
rum Centuria I. & II. Amstelo-
dami 1654. in 8.

LII. Historiæ Anatomicae Ger-
manicè editæ à Georgio Segero.
Francofurti 1657. in 8.

LIII. Historiæ Anatomicae Bel-
gicè editæ. Amstelod. 1657. in 8.

LIV. Historiarum Anatomicarum Rariorum Centuria III.
& IV. Hafniæ 1657. in 8. apud P.
Haubold.

LV. Historiarum Anatomicarum & Medicarum Centuria
V. & VI. Hafniæ 1660. in 8. ap.
Haubold.

LVI. Panegyricus Augu-
stissimo Regi Daniæ FRIDERICO
III. Primo Regnorum Hæredi,
publicè Academiæ nomine co-
ram

ram Rege dictus. Hafniæ 1660.
in fol. apud Gødianum.

LVII. De Nivis Ufu Medico
Observationes Variæ. Accessit
de Figura Nivis Dissertatio Eras-
mi Bartholini ad Th. Bartholi-
num. Hafniæ 1660. in 8. apud P.
Haubold.

LVIII. Disputationes Variæ
Medicæ Hafnienses. Hafniæ in 4.

LVIII. Cista Medica Hafni-
ensis, variis Consultationibus,
Casibus, Vitisqve Medicorum.
Hafniensium repleta. Hafn. 1661.
in 8. apud Haubold.

LX. Domus Anatomicæ Haf-
niensis Descriptio. Hafniæ 1662.
in 8. apud Gødianum.

LXI. Responsio ad Novas
Observationes Bilsianas contra
Nic.

Nic. Lassium. Hafniæ 1661. in 8.
apud Haubold.

LXII. Responsio eadem, edita
Belgicè à Jo. Blasio J Cto. Amste-
lod. 1661. in 8. apud Montanum.

LXIII. Castigatio Epistolæ
maledicæ Biltii, ubi Bilsianæ ar-
tes deteguntur & Professoria
dignitas vindicatur. Hafn. 1661.
in 8. apud Veridicum.

LXIV. Responsio & Castiga-
tio contra Bilsium, Amstelod. 1661.
in 12. apud Montanum.

LXV. De Hepate Defuncto
Dissertatio, novis Bilsianorum
Experimētis opposita. Hafn. 1661.
in 8. apud Weringium.

LXVI. De Pulmonum Sub-
stantia & Motu diatribe. Hafn.
1663. in 8. apud Gó dianum.

G

LXVII.

LXVII. De Insolitis Partus Humani Viis Dissertatio Nova. Hafn. 1664. in 4. apud Hauboldum.

LXVIII. De Cometa Consilium Medicum, cum Monstrorum nuper in Dania natorum Historia. Hafn. 1665. in 8. apud Hauboldum.

LXIX. De Medicina Danorum domestica Dissertationes X. cum Vindiciis & Additamentis. Hafn. 1665. in 8. apud Haubold.

LXX. De Hepatis Exautorati Desperata Causa cum præcipuis Eruditæ Europæ Medicis Concertatio. Hafn. 1666. in 8. apud Dan. Paulli.

LXXI. Epistolarum Medicinalium Centuria I. & II. Hafn. 1663. in 8. apud Haubold.

LXXII.

LXXII. Epistolarum Medicinalium Centuria III. Historiis Medicis aliisq; ad rem Medicam spectantibus plena, Hafn. 1667. in 8. apud Haubold.

LXXIII. Epistolarum Medicinalium Centuria IV. Variis Observationibus curiosis & utilis referta, Hafn. 1667, in 8. apud Haubold.

LXXIV. Orationum Medicarum Volumen, Hafn, 1668. in 8. apud Dan. Paulli.

LXXV. De Cygni Anatome & Cantu, Beverlini Dissertatio, Notis auctior ex Schedis meis, edente filio Casparo Bartholino. Hafn. 1668. in 8. apud eundem.

LXXVI. Carminum Libri VIII. Hafn. 1669. in 8. apud. Dan. Paulli.

LXXVII. De Medicis Poëtis
Dissertatio. Hafn. 1669. in 8. apud
Dan. Paulli.

LXXVIII. Opuscula Anato-
mica de Vasis Lacteis & Lym-
phaticis Uno Volumine compre-
hensa, aucta & recognita. Hafn.
& Francof. 1670. in 8. apud Dan.
Paulli.

LXXIX. De Cerebri Usu Me-
dico & Artificio oculos restitu-
endi Epistolæ. Hafn. 1669. in 4.
apud Dan. Paulli.

LXXX. De Simplicibus Me-
dicamentis inqvilinis cogno-
scendis Epistolica Dissertatio.
Francof. 1669. in 8. apud Dan.
Paulli.

LXXXI. De Flagrorum Usu
Medico, cum Henr. Meibomii
ejus-

eiusdem argumenti Epistola ad
Th. Bartholinum, Francof. 1670.
in 8. apud Dan. Paulli.

LXXXII. Oratio in Obitu
Johannis Mulenii, ubi de Antiqua
Danorum Moneta. Hafn. 1669. in
4. apud Godicchen.

LXXXIII. Anatomes Augustæ
Figuræ æri incisæ Imperfectum
opus.

LXXXIV. Operum Catalogus
Hafn. 1661. in 8.

Idem carmine redditus per
Christophorum Friis Erphur-
densem, Hafn. 1663. in 8.

LXXXV. Operum editorum
Catalogus nona editione auctior,
Hafniæ 1667. in 4.

LXXXVI. Epistolæ varii ar-
gumenti in Operibus Deusing-
gii,

gii, Sachsii, Majoris, Hobokenii, &c.

LXXXVII. De Pleuritide Paradoxa Endoxa, Basileæ in 4. 1645.

LXXXVIII. Elenchus Operum M. Aur. Severini editus à Th. Bartholino. Neapol. 1643. in 4.

LXXXIX. Joh. Walæi Epistolæ duæ de Motu Chyli & Sangvinis ad Th. Bartholinum. Lugd. Bat. 1641. 1645. 1651. alibiq; vel decies editæ.

XC. De Aureo Cornu Olai Wormii, Eruditorum judicia edita à Th Bartholino. Patav. 1645. in 8.

XCI. De Hyssopo in cruce Christi Cl Salmasii Epistolæ Tres ad Th. Barthlinum, cum Præfatione ejusdem Th. Bartholini Lug. Bat. 1646. in 8.

XCII.

XCII. Observationes Anatomicæ Pawii posthumæ ex Musæo Th. Bartholini. Hafn. 1656. in 8.

XCIII. Joh. Rhodii Mantissa Anatomica ad Th. Bartholinum. Hafn. 1660. in 8.

XCIV. Cornari Vita Sobria ad Usū vulgarem accommodata, cum Præf. Th. Bartholini. Hafn. 1657. in 12.

XCV. Observationes Jo. Veslingi & Epistolæ Anat. & Med. posthumæ cum Præfat. Th. Bartholini, Hafn. 1664. in 8.

XCVI. Meditationes Bonæ lingua vernacula versæ ab Elif. Tottia, cum Præf. Th. Bartholini, Hafn. 1664. in 12.

XCVII. Observationes Medicæ Variorum, ex Musæo Th. Barthol. Hafn. 1665. in 8.

XCVIII.

XCVIII. Mich. Lyseri Culter
Anatomicus cum duplici Præfa-
tione Th. Bartholini. Hafn. 1665.
in 8. apud Haubvld.

XCIX. Alberti Bartholini De
Scriptis Danorum liber posthu-
mus, cum Præf. Th. Bartholini,
Hafn. 1666. in 8. apud Haub.

C. Jacobi Holste de Flammula
Cordis Epistola, cum Præfatione
Th. Bartholini de eadem Flam-
mula. Hafn. 1667. in 8. apud Dan.
Paulli.

CI. Lisseti Benancii Fraudum
& Errorum à Pharmacopœis
commissorum ex Gallico Decla-
ratio ex Musæo Th. Bartholini.
Francof. 1667. in 8.

CII. Dialogus de Fraudibus
Pharmacopœorum nonnullor-
um

rum Joh. Ant. Lodetti, ex Italico Latinâ lingvâ donatus & editus ex Musæo Th. Bartholini, Francof. 1667. in 8.

CIII. Gesneri de Lunariis, ex Musæo Th. Bartholini. Hafn. 1669. in 8. apud Haubold.

CIV. Olhafii & Wormii De Usu Renum, cum Præfatione Th. Bartholini, Francof. 1670. in 8.

CV. Marcelli Malpighii Epist. Anat. de Pulmonum Substantia, cum Præfatione Th. Bartholi, Hafn. 1663. in 8. apud Haubold.

CVI. Cygni Anatome, Ejusque Cantus Joh. Jacobi Bewerlini Præsid. Th. Bartholino, Hafn. 1650. in 4.

CVII. Controversiarum Medicarum Decas Wilhelmi Wormii Præsides Th. Bartholino proposita. Hafn. 1653. in 4.

CVIII. De Usu Partium Communium Corporis Humani Integumentorum Dissertationes duæ Georgii Segeri, Præsides Th. Bartholino, propositæ. Hafniæ 1656. in 4.

CIX. De Usu Thoracis Dissertatio Anatomica Wilh. Oderi Dantiscani, Præsides Th. Bartholino publicæ disquisitioni subiecta. Hafn. 1657. in 4.

CX. De Gutta seu Morbo Articulari Disputatio Inauguralis Caspari Kólichen Silesii, Præsides Th. Bartholino publicè proposita, Hafn. 1664. in 4.

CXI. La

CXI. La Sferza Poëtica de Sapricio Saprici al Tomaso Bartholini, Venet. 1643. in 12.

CXII. Cæcilii Folii Auris Internæ delineatio, ad Th. Bartholinum, Venet. 1645. in 4.

CXIII. Nihusius de Cruce Christi ad Th. Bartholinum. Colon. Ubior. 1647. in 8.

CXIV. Riolani Animadversiones ad Th. Bartholini Anatomien Reformatam, Historiam Lacteorum & Lymphaticorum, &c. Paris. 1653. in 8.

CXV. Mesfis Aurea Triennialis Hemsterhusii ad Th. Bartholinum, Lugd. Batav. 1654. in 12.

CXVI. Mesfis eadem, ad eundem. Heidelbergæ 1659. in 8.

CXVII.

CXVII. *Insidiæ structæ Vasis Lymphaticis Th. Bartholini detectæ à Mart. Bogdano. Francof. 1654. in 4.*

CXVIII. *Olai Rudbechii contra Th. Bartholinum De Ductibus Hepaticis Aqvosis, & Vasis Glandularum Serosis, Lugduni Batav. 1654. in 8.*

CXIX. *Apologia pro Th. Bartholini Vasis Lymphaticis Mart. Bogdani, cum Præfatione Th. Bartholini Hafn. 1654. in 12.*

CXX. *De Lympha Bartholiniana Georgi Segeri, cum Præf. Th. Bartholini. Hafn. 1655. in 4.*

CXXI. *Ejusdem de Quiditate & Materia Lymphæ Bartholinianæ, cum Epistolis. Hafn. 1658. in 4.*

CXXII.

CXXII. Triumphus Cordis
duce Th. Bartholino erectus per
Georgium Segerum Hafn. 1654.
in 4.

CXXIII. Louys de Bils Brief
aen Th. Bartholinum. Roterd.
1661. in 8.

CXXIV. Ludovici de Bils
Epistolæ duæ ad Th. Bartholi-
num. Roterodami 1661. in 4.

CXXV. Antonii Deusingii
Hepatis Resurrectio ad Th. Bar-
tholinum. Gróningæ 1661. in 12.

CXXVI. Ejusdem Responsio
ad Th. Bartholinum. Gróningæ
1662. in 12.

CXXVII. A. Deusingii Re-
sponsio De Casu Mulieris ossa
fœtus excernentis, ad Th. Bar-
tholinum. Gróningæ 1664. in 12.

CXXVIII.

CXXVIII. Jo. Pecqveti Dissertatio Anatomica de Lacteis Thoracicis ad Th. Bartholinum, Paris. 1657. in 4.

CXXIX. Ph. Jacob. Sachs à Lewenheim, de Analogo motu Aquarum ex & ad Oceanum, ad Th. Bartholinum, Uratislav. 1664. in 8.

Per plura me non diffundam
quanquam plura sint, ne vel ostentatione nimia Lectorum abutar patientia, vel vulnus recenti plaga inflictum irriterem, cujus optimum remedium, doloris oblivio, gratias Deo O. M. referens subjectissimas, quod velut olim in fornace Babylonica Viros Tres flammæ adjudicatos contra ignis vehementiam, sine chiro-

ehirothecis, quibus apud nos
 Christianæ religionis primordia
 cepere, sola divina virtute &
 Angeli præsentia induraverat,
 ita charissima pignora mihi illi-
 bata & ab igne furente intacta
 conservaverit. Valeant Libri,
 modò liberi supersint, Deo igitur
 sospitatori nostro, sit Laus, Ho-
 nor, & Gloria in seculorum secu-
 la. Regi quoque Clementissimo
 Dn. CHRISTIANO QUINTO
 vota ex solvo, quod multis mag-
 nisque me meosque à flammis
 ereptos beneficiis affecerit, ma-
 joribus sanè quam Nebucodo-
 nezar Schadrakum, Meschakum,
 & Abednegonem, quibus in
 Provincia Babel prospexit de
 publicis officiis splendidis, de
 redi-

reditibus amplis cum salvi fornacem incensam evasissent certo divini auxilii argumento. Ita minus perdidisse me video, quia Deus me meosque incolumes voluit, Rex Augustissimus superstites clementia sua fovet, nobisque ad resarcienda deperdita animum addit, ut cum Julio Firmico Materno l. de Errore Prof. Relig. gloriari queamus. Incensa est Troja à Græcis, à Gallis Roma, & ex utroque incendio Palladium reservatum est. Sed reservatum non propriis virtutibus, sed Dei præsidio, sed Regis auspiciis. Divus FRIDERICUS TERTIUS sua præsentia flammam incendiorum potuit sedare. CHRI-STIA.

STIANUS QVINTUS sua
munificentia solatur & clemen-
ter emendat, quicquid ipso in-
scio flammæ commiserunt. In
tutela Vulcani ignis est, & ma-
teries ejus in illius regimine di-
citur constituta. Rectè tamen
qværit Arnobius l. 9. adv. Gen-
tes, cur ædes frequentissimè
sacras, atqve urbium potiores
(addo Bibliothecarum) ad ci-
nerem patitur flammarum vo-
racitate collabi? Nos in tutela
Dei, sub imperio Regis CHRIS-
TIANI à flammis nos tutos
credimus. Qvanquam enim
altero pede in Insula Lemno
claudus Vulcanus, nos utroque
pede in Dania claudicare tenta-
verit; utroque tamen pede læ-

H

tiores

tiores resurgemus, si Jupiter no-
ster, seu Deus immortalis faveat,
si Jovis filius, Rex clementissimus
tueatur, & pro Regii animi ma-
gnitudine orbem jubeat intelli-
gere, quantum ille pro Litera-
torum necessitate suam metiatur
beneficientiam, ut in Regno
Daniæ non Vulcanus, sed
CHRISTIANUS regnet, plus-
que hic cum sceptro, quam
ille cum malleo va-
leat.

Ad

Ad Excellentissimum Virum

DN. THOMAM BAR-
THOLINUM

Prof. & Archiatrum Honorarium,
De Incendio Hagstediano, quo
omnia manuscripta ejus simul
fuerunt consumpta.

OMnia pervolitans, tristis violaverat ignis,
Hagstedias Musas, Hagstediamque
domum.

In cineres vertitq; casas, fœnilia, testæ,
Parvaq; momento, Troja cremata tua est.
Exstinxit tot scripta, tui monumenta laboris,
Quæ dabat in cineres, sic ruitura labor.
Ut Lucem aspicerent, perversa Mulciber arte
Dum tentat, fecit luce perire suâ.
Forsthan ut nitidos dent inter sydera vultus,
Æthereæ curæ, sydera summa petunt,
Excelsus Celsus, cœlorum diligit ignes
Exosus terras, nomen in astra refert;
Nomen in astra tuum referet, quod torrida
flamma
Non potuit tristi contumulare rogo.

Matthias Jacob-Matthiades,
Prof. Reg.

— (o) —

In
Incendium
Medicis luctuosum

Quo

Incomparabilis Viri

D^N. THOMÆ BAR-
THOLINI

Prædium & instructissimæ Biblio-
thecæ pars cum diversis MSS. inter
quæ venerandi Parentis

SIMONIS PAULLI D.

Anatomica Relatio Crocodili,

hactenus penitus exusta.

Hactenus infestant operosa volumina
blatta,

Nunc quoque Mulciberi res metuenda
venit.

Quid genus Æschlapi potuit committere
tantum.

Annorum ut studium devoret una dies.

Turba-

*Turbavit Crocodilus aquas hinc funere
 digno
 Per medios ignes debuit ille mori.
 Sed Barthline, Tibi Lymphatica Vasa de-
 disse
 Quid prodest? cladem flamma inimica
 dedit.*

Scrib. Helmstad.
 Christianus Paulli Danus.
 Sim. Fil.

Ad Patrem Venerandum
**DN. THOMAM BAR-
 THOLINUM.**

Ecce Pater, Pater ecce tuos Vulcanus amores
 Accendens, flammis consecrat ille suis.
 Ah scelus, Ah facin! properans sic fata minari,
 Et nomen flammis lædere velle tuum.
 In fumum tamen illa cadūt, tua gloria flammis
 Crescit, & ut lumen, clarius inde micat.
 Hæc tua sit pietas, Genitor; Tua flamma
 perennat,
 Ut veniat, post tot nubila, clara dies.

*Cassparus Bartholinus
 Thomæ Filius.*

Ad eundem.


Iam spargis venerande Pater tua damna per
orbem,
Ut videat pennæ fata maligna tuæ.
Bibliotheca jacēs, Genitor decq omne tuorum,
En cinis est, Musas atra favilla tegit.
Quid querimur? tu perge Pater contemnere
fata.
Nam nos inviti discimus illa pati.

*Christophorus Bartholinus
Thomæ Filius.*

Ad eundem.

Non hæc flamma nocet, Pater optime,
flamma Minervam
Quæ latet in cerebro, tollere nulla potest.
Nil Musis damni, nil nobis. Salva putamus
Omnia, nam voluit te superesse Deus.

*Thomas Bartholinus
Junior.*



per

m,

ere

mus

ne,

vam

teft.

is

is,

mus

